


青童君云无有金簡者銀木亦可當无有玉札者桐木亦可當但今精好直理无關節耳青童君曰存披天關天關上登青宮金闕玉清之道當書玉札先入室叩齒十二通東向讀札畢仍備修存念之道畢取札於雲錦之囊常燒香左右不得輕露此上真之至疏玉郎之靈篇也

若有金名玉字逆注青宮得見此道當依太真之科齋金簡玉札各一枚長一尺六寸廣二寸四分金龍玉魚各一枚紫綰百尺青紋四十尺以為太真之盟奉有經之師師東向受者北向告北帝為盟告七祖為誓約不宜泄之信當依玄科七百年內三傳傳非其人七玄之祖長充鬼役身沒九氣萬不得仙篤志之士希仙之夫當案科而奉真依文而修焉

洞真上清青要紫書金根飛經卷下


洞真上清太微帝君步天綱飛地紀金簡玉字上經黑星者北斗之鬼鬼欲步綱時先閉炁左迴七星之外行斗鬼鬼之上三匝然後登陽明也子欲神真步斗鬼鬼有綱曲折隨行得昇玉堂



步三台從玉綱禹步閉炁上至金綱往還九過叩齒三下通炁乃祝台名所願隨意求田土之屬祝上台求祿位祝中台求金玉祝下台常以六甲日此別法不必常修也上台虛精中台六淳下台曲生皆名也



太上飛行五星之道以尋步水火五星來降致神雲車羽蓋登太空之術谷希子法閉炁上綱燕液十五過每至星所左手俯心祝曰飛仙兩言耳未登綱時先存五星精在五藏中也每步綱畢輒按而為之十四年白日龍飛要道在尺素之上是此之綱圖矣



后聖君告三官地神之書佩之以步網飛

仙昇太平帝太上玉帝告七星之符八節
日朱書服之齋帶一符於首上以施於步
網之仙者也

太上隱書攝玉皇佩之左 太上隱書攝玉女佩之右

后聖君告三官地神之書佩之以步網飛

仙昇太平帝太上玉帝告七星之符八節

后聖君告三官地神之書佩之以步網飛

仙昇太平帝太上玉帝告七星之符八節

日朱書服之齋帶一符於首上以施於步

網之仙者也

太上隱書攝玉皇佩之左

太上隱書攝玉女佩之右

后聖君告三官地神之書佩之以步網飛

仙昇太平帝太上玉帝告七星之符八節

太上

五

五

靈寶

洞玄

下元

太上

靈寶

已上符並朱書

太上隱書太微帝君昔授皇清洞真君步天網飛地紀據玄斗攀星冠接九真乘飛龍遊三命浮三生圖三寶出六害隱六陰入六絕鎮天英守延期存元輔躡大彌周流丹房上升文昌展轉九道位為九老行之二十年受書為上清真人

高上太素君及上清八老君下教玄洲二十九真人以升闡風臺後重看諸金晨華闕上清以付方諸宮青童君令教仙名骨錄有五字於真籍者道成以經還方諸之室然後受

書上登太微凡人望七星為近而不知步之甚速道士苟知天網之可步而不知鬼鬼不追其身非身之不將鬼鬼也但鬼鬼畏七星之威不敢追身而上行也故三鬼不攝七鬼蕩散徒以空尸步網而神不我從實徒勞也子欲步網澄心虛靜不思哀憂不念榮味於是迴行三匝登星啓祝使鬼鬼二神俱過靈闕豁然縱體奄忽自忘感潔乃步常如踏空一年辟非二年辟兵三年辟死四年地仙千害萬邪眾莫敢干自此以往福慶無端致神使靈驂駕飛龍太極賜芝玉帝給童行之二七年為上清真人

步網法勿橫行干網也直畫連星之界分曰網也犯橫天網皆伐斷天道大禁也

步網勿躡真人星大忌也犯此二者皆脫中叩頭謝網象以布帛為之長九尺廣六尺羅列星位於帛上以青筆為星丹筆為網威之潔霜每欲施行燒香出之侍書有五女七人衛星有玉童七人步行世路與俗人同涉阡陌之道者其中飛塵濁亂滓穢同迹皆不得

步網若雖處世俗俱行道乘車而目不見流血死者可步網也若山林長齋絕軌人間或巖居隱處服食斷穀者不問涉塵途之忌也忌食六畜肉及五辛之菜皆當沐浴潔衣燒香於步網之處又當視北斗星所首隨而案之沐浴者謂初步網之始也不必一步網輒一沐浴也要最令手足口面至清感也天陰可於靜室中若所卧牀上為之又白日步網尤勝於夜半皆不好見人而行事也唯令勿經淹穢精而已

太微帝君教授步天網之經謹按神真上法先燒香於行事之所閉炁左迴行斗星之外三匝始於陰精匝於陽明畢乃通炁始得足躡於七星身上步於陽明耳於是向陽明星又閉炁而心祝曰陽明大魁玄極文昌使某魂魄俱遊天網祝畢乃左足躡陽明又進右足躡陰精心祝曰陰精北極太上璇璣使某魂魄與身相隨次左足躡玄冥心祝曰玄冥搖光紫微闈陽使某魂魄俱行玉衡次右足躡丹元心祝曰丹元紫宮太上靈田使某魂魄

俱過神津次左足躡北極心祝曰北極天光迴適玄辰使某魂魄俱至玄闈次右足躡天闈進左足前與右足併乃通息一明息不充網者可丹元星上通更閉微祝曰金木水火土五行相推七星煥煥天網最威

輔星鎮威河星却羨九真太上太極太微三府玉帝三尊辟非天動地轉魂魄相隨使我飛仙真光徘徊名入金房玉門乃開乘龍陟空日月同輝遊行上清鳴鈴翠衣左攝流電右御奔雷地上萬邪伏死敢追惡心視我使爾斬推帝命玉女營侍以歸魂真魄神合形升飛

倒行法止於天闈倒向北極微祝曰太上元辰華蓋紫雲北極玉房藏景化精太微玄臺九真玉城頌某飛仙得行雲庭反步天網魂魄俱生乘龍華宮得道之名左佩玉璫右腰金鈴虎帶龍裙嘯攝天兵乘景三素飛登上清祝畢乃閉炁舉左足躡北極右足躡丹元次舉左足躡玄冥前右足與左足併而向其人

之星通息微祝曰

太極九精上皇高真出登元清入隱玄陰育某長其使某好仙玉臺忽開金堂八門乞某佩書絳龍青裙上佐紫微後聖之君乘十飛龍玄蓋景雲列名元圖日月同并

祝畢因又閉炁左足躡弼星進右足躡陰精又進左足躡陽明前右足與左足併乃通息微祝曰

天魁正陽斗運低昂前轉元機後動靈網制魄以寧拘魂以康魂魄與身俱行天堂向見金闕高上太皇右扶仙母左扶仙公紫翠飛華龍袍虎裳帶真巾玉項生圓光手把神鈴腰佩金璫口詠洞真七變妙章先自虛无生而為玉飛行九道據斗攀網前從太一後從玄郎告某口訣坐在立亡反行至要位為仙卿玉藏自生與天相迎所願皆合所求尅昌萬邪伏害易地隱藏惡我天伐水滅火喪反行法又閉炁右迴斗星之外三匝始於陽明臣於陽明通息祝曰高上太真七耀至尊反行尋生上步天元使

某飛仙得入紫門

因又閉炁左足躡陽明右足躡陰精先前右足躡玄冥左足躡丹元次右足躡北極左足躡天關右足前與并乃通息祝曰
七變返旋上行玉宿六紀輔我三綱合步玉

帝左躬高上右顧教我乘星騰登玄路乞賜飛仙不死之祚浮行上清乘華三素金青翠裙出入九舍北皇見揖南真見謝名書仙臺千變萬化得友聖君太平輔佐所願從心萬事成就有惡我者刃刑火墓

順行倒行反行三道都畢乃又舉兩足俱上陽明星以右手拊心以左手指玄冥星閉氣三息叩齒三七嚙液三九名曰據斗微祝曰陽明紫炁太素玄辰金闕黃房中有大神左拊上皇右把高真龍銜翠衣飛錦虎文腰帶玉符首戴蓮冠出入虛金真玉光靈尊義我號曰陽明足躡朱煙口詠洞章賜某隱書見教步綱周行三復據斗自忘使某飛仙超虛浮空名書上清乘玄駕龍意有所之願樂皆從三尊合德魂魄內通致給神官玉女玉童

有惡某者形以電風森謀斷舌裏之十方祝畢存心中忽然忘身良久而下據斗之道既畢乃又兩足俱上陰精星以左手拊心以右手指真人星閉炁三息叩齒三通嚙液三過名曰攀魁入太微微祝曰

陰精玄素華闕生門中有玉帝北極至尊鳳繡華領龍翠碧裙腰虎佩鈴扶芝丹冠號曰陰精太上之君授某隱書使步七元攀魁上昇遂遊靈闕外拘七魄內制三魂魄鍊俗累魂寶胎神魂魄守身與之俱仙飛行上清還

惡嬰願所向如心萬欲無難有惡某者形死三官威攝六天役使羣神攀魁之道既畢乃又兩足俱上弼星併足向真人星四拜畢跪閉炁四息叩齒四通嚙液四過名曰接真當正心從魁中入登弼星上勿橫度綱也跪微祝曰
太極九精上元明真正機把衡吐納紫煙金光玉映威照十天攝御三光調陽和陰理元賦炁改易故新上治中宿玄關之玄金室玉戶北掖四便出駕八景浮遊太元龍錦鳳衣

虎翠飛裙絳袿綠帔紫羽七綠腰帶神符首戴扶冠上栖九虛下翔天淵自號玉皇九天極真哀某好道授某隱篇躬登弼魁朝拜靈君乞願丹書為生之先得治三天飛行八玄五臟自生上品飛仙得翼玉帝後聖之臣位

高大夫乘雲飛輪所願皆合眾邪莫于有惡我者暴形破門
接真之道既畢乃又兩足俱上玄冥星以右手拊心左手指丹元星閉炁三息叩齒三七通嚙液三過名曰步斗微祝曰

洞天神光迴隱玄冥炁盈太虛去來無形隱天藏地周灌無生忽登天綱上步紫庭北規雷房南顧電城眩惑萬變非復故形恍惚流景攝手立成欲求藏身得我姓名虛无傲兀九變玄冥坐起六甲謁署六丁賜某隱書步斗行星仰見上皇披丹巾青手把靈光腰帶玉鈴上乞飛仙與天俱生名書太微浮行上清下乞變化藏景錄形萬事如願所推皆平有惡我者戮以神兵



太極其經金根上文曰子登玄冥步斗隱形
子欲變化當得我名迴天動地萬物立成步
玄冥時及欲隱時當心存此名字
步斗之道既畢乃又兩足俱上丹元星以左
手拊心以右手指北極星閉炁三息叩齒三
通燕液三過名曰躡紀微祝曰
太上九臺丹元玄紀外管北極內正天理金
闕映外玉庭耀裏中有至尊號曰赤子治在
丹元絳房之中翠雲繡華龍帳虎蒙右執皇
錄左把魁網足躡景雲首巾紫冠右佩流鈴
左帶玉鑄賜其隱書躡紀遊行上乞飛仙乘
玄駕龍書名丹臺太極玉堂所向所求福祿
來迎有惡其者願為滅亡給侍神官玉女玉
童躡紀之道既畢乃又兩足俱上北極星以
右手拊心以左手指天關星閉炁三息叩齒

三通燕液三過名曰步網微祝曰
玄上太微北極紫蓋下有太真遊翔九外翠
華飛梯金鈴青帶腰佩玉光玄雲卷鶴賜其
隱書上行七炁登清戲煙真人合會乞丐飛
仙書名丹室所向如願無災無害有惡我者
令彼傷敗
步網之道既畢乃又兩足俱上天關星以右
手拊心以左手指天關閉炁三息叩齒三通
燕液三過名曰乘龍微祝曰
太上七極紫微絕辰寶玄金房外有玉門周
運九宮調和天關中有尊神號曰紫皇授其
隱書攜其乘龍上遊九天下飛地元景雲丹
與玄華翠裳腰佩龍策頭中虎文包生萬物
教訓飛仙脫其死名天地長存乘龍步斗所
仰受恩有惡我者風刀火然
乘龍之道既畢乃又兩足俱上輔星閉炁一
息叩齒三通燕液一過名曰遊行三命放步
天英也微祝曰
太極輔星精在紫閣養生育命寶守神魂金
房再閉奉見輔君賜其隱書使其遊旋列名

聖皇飛仙九天中金佩真出入洞門
遊行三命既畢乃迴行詣弼星兩足俱上閉
炁一息叩齒三通燕液一過名曰徘徊三陽
出入三生微祝曰
本虛泥丸紫宮天尊玄空真紐為帝之先在
道玉皇在身泥丸馮威刻生炁貫霄元精入
明堂強胎益魂朱山再閉奉近靈元左採日
華右握月根流火萬丈金羅碧裙腰帶天骨
首戴華冠賜其隱書得行天關乞願飛仙役
使萬神萬向皆會福德如山
行事時皆向北執書而為之也亦可按文祝
星不必闡誦而作也
後聖君受太上步網隱書以付方諸青童君
青童君以傳玉君使密授骨命玉籍有仙名
者按而行之其無仙錄錄字之人徒見而不
求有而不行也非不欲行神過之上按四極
明科太上隱書聽七百歲中傳三人過此不
得復出授書初時皆先試彼人而後傳耳試
觀非一條例唯取其精善及可吞與奪之
事也是以古之真人以察其心而定其志者

其行而觀其事夫子於傳授之際微其言哉
黃上先生受黃巢小童步三綱之法行其要
訣遂飛還景雲北遊於上清之宮出入生門
呼吸虛元

黃帝受襄城小童步六紀之法行其要訣遂

鑄鼎荆山陸變喬陵駕龍玄圃乘雲闕風

廣成子受東海中元小童步六害之法行其

要訣遂乘三素之雲到無極之野駕華鳳八

龍入無窮之門倒行太虛位為玉皇

龔仲陽受高小童步六絕之法行其要訣

遂登朱先丹陵乘玄上造御十飛蟬遊行南

冥絳雲為蓋以入五城

夫四小童並天真之師也所受隱書施行俱

一事耳三綱六紀六害六絕異其名耳春步

七星名曰步三綱夏步七星名曰躡六紀秋

步七星名曰行六害冬步七星名曰登六絕

按而密行浮遊上清

玉君曰吾經周時也涉戰國之間遊強秦之

中大漢之世履地源遊九宮見諸仙人問

諸真官始求此道無不步天元行紀綱者得

其道速成而不難也是以彼步綱七精下
遊駕步綱上登天堂王倪步綱乘雲十天

黃帝步綱精為軒轅許由步綱風風羣翔巢

父步綱上朝天皇支離步綱栖集闕風華封

步綱體生玄雲子州步綱羣龍虎服善卷步

綱乘躡龍燭石戶步綱飛行瀛州北人步綱

玉女來遊藉衣步綱遂入北斗安公步綱赤

龍見負桓成步綱遂見文始得友西歸羊車

童子二女步綱俱澣白水乃見金母栖身東

陛下隨步綱駕龍泰清務光步綱身超紫庭

馬皇步綱龍雲俱至彭祖步綱乃之派沙老

躡步綱稱曰聖師關令受教俱會雲臺郊間

步綱乘龍奔辰放釣棄輪永為上真大項步

綱色反嬰兒秦始皇始步綱神龍吐符消子步綱

河出靈魚服挹玉液遂昇玄洲蕭史步綱隱

逸秦樓弄玉受教俱到青丘接輿步綱夫妻

俱仙得治峨嵋封掌山川伯昏步綱列為水

靈庚桑步綱遊行八冥皆須此術要道乃成

故粗撰其人以告於子或先勤而後怠歷試

觀而不過者亦皆成地仙及得尸解之身或

成地下主者當復數千百人也不能一二記
其姓名矣

諸尸解地下主者按四極真科一百四十年

乃得補仙官復一千三百年乃得補真官於

是始得飛華蓋乘羣龍登太極遊九宮也謹

按法度奉而行之無不得仙精心勤誠用一

十四年耳於是乃七星之精下化成神人並

乘流鈴八景丹玄班雲俱來詣於子拜子仙

官授子真符道成皆登三清昇太微官勉之

勤之所向必感亦何為怠情而為尸解太陰

地下主者方復一百四十年然後得階手吾

昔亦由精勤而致此也

步綱之日一月七日為之也月一日五日九

日十五日二十日二十五日二十九日若夜

步則用夜半若白日則用日中若在無人處

日中止庭乃吉要不欲令俗人見俗人見則

天精不降斗建正月建寅閏暮天關臨寅平

旦臨申日中臨亥但按月斗建推計晝夜常

知所在以圖象隨之若見凶鬼惡人但存斗

星以指之閉炁心祝曰

1.0331 ADI/A

吾是天目與天相逐晴若雷電明耀八域微
知表裏無物不服如此則姦兇萬鬼禍惡衆
非莫來犯子

甲子日八節日皆步綱得仙而致七星詣子
諸步綱者勿以冬甲子日夕眠卧七星之光

掩人眼精

步綱脫死名上玉籙法用正月三日二月十
一日三月十九日四月八日五月五日六月
九日七月七日八月四日九月九日十月五
日十一月八日十二月十二日用此日步綱
方諸宮那仙臺削死書上生字也其一月七
步綱自按常法若卒急及非禍疾病皆登時
可步不須待吉日也所言所祝亦將在意要
當先祝舊文畢及言意所願皆登時立效速
於水火女子步綱以絳為綱象男子步綱以
布帛為綱象

一年之後常夢此七童在側三年之中形見
人前皆飛天交響玄黃青赤執霞標之膏香
華朱燈太上常使南真靈妃紫雲驕女面有
金碧龍華者侍此隱書在書之左右步綱之
時神女皆從而登星也始步者但未之見也
一年之後常夢此七女在側三年之中形見
人前皆飛飛偏結丹霞翠衣執象玄脂日華
香燈齋潔七日乃傳此經受者亦然太上四
極明科有書聽百年得一傳其在七百年內
一人限三傳而已過數不得復出受之授之
皆齋乃度立盟結誓保無泄露試校彼心探
其厚薄審其內實料其善惡然後乃出以與
之耳若非骨命不應得此書若是行尸皮好
之夫將試而不悟生構怨讎或見傷殺連生
失和有及此者皆非得道之子當受惡以止
勿語其故天靈七君道德大神自照觀榮辱
報以介福且勿憂也此其極之意後聖之法
亦足以測有為矣亦足以知無能為矣
子有悟其觀試者當隨事首謝七星之神也
乃得補復其失也

八皇訣曰非求仙之難也得其人之難也非
學道之難也得受其經之難也非受其經難
也過試而不知之難也非經試之難也行經
精誠之難也太上祕言妙矣信矣
太上紫書王君自序

青要紫書曰子欲昇天當行七靈既登北極
又入紫庭非人勿傳先試其情此之謂也正
論步綱之事耳吾昔受神經人有試吾者無
故以杖撻吾手而血出吾猶傾心向之情不
他念是試之過也遂得此經見告曰子昨已
履水火中得脫矣吾初時亦不解此語晚乃
悟以旋手為試也吾昔授一人神經經法有
試授之約未授之前乃無故舉火燒其衣衣
盡而彼不言然色不大懼然也雖爾姦醜之
惡不形於外非惡之言不發於口故為得過
也吾後亦授其步綱隱經也其施行得道上
登太極乃見先有刻太極此壁書字者云咸
陽茅童受步綱經師法隱試火燒水形口雖
不言色猶不平是為下過非真之精可行太
極勿登上清益見壁文字讀之悵然自見試

受書以來初自不悟有色無不平之累于今九十八年矣乃知鑿網玄璧無細不書也乃更尅後往德許著上真始得補帝皇之卿耳子其助之王君以此言告小王君

太上隱書玉精真訣以致太極隱芝翠羽華

衣紫縹毛絨丹青飛裳五嶽靈山六元七玄明真之神遊行之仙皆各獻其方物奏書太微宮致之有要獲之有方能得其訣拜為仙公太上隱書曰正月一日二月二十日三月二十七日步綱之道已畢正身入斗魁中東

向視歲星象在肝中再拜跪祝曰太歲元神木公九天陽華玄元盡來入身祝畢叩齒九通行之十四年東嶽君獻青毛之衣東極真人命玄元地神象丘靈山送上清之服翠羽華裳

太上隱書曰四月八日五月五日六月十八日步綱之道已畢正身入斗魁中南向視熒惑星象在心中再拜跪祝曰

羽南極真人命玄元地神象丘靈山送上清之服紫縹毛絨

太上隱書曰七月七日八月二十日九月九日步綱之道已畢正身入斗魁中西向視太白星象在肺中再拜跪祝曰

西上太玄金精七道玉元二帝炁迴胎腦祝畢叩齒九通行之十四年西嶽君獻曲晨飛蓋西極真人命玄元地神象丘靈山送上清之服丹青飛裙

太上隱書曰十月五日十一月三日十二月六日步綱之道已畢正身入魁中北向視辰星象在腎中再拜跪祝曰

北玄紫辰金車水元龍胎化靈來入一身祝畢叩齒九通行之十四年北嶽君獻龍衣虎帶北極真人命玄元地神象丘靈山送上清之服鳳錦玄中道精紫冠

以羽衣玄降寔由精誠也

太上隱書曰每至甲子日八節日步綱之道已畢正身入魁中向星後向其人星存鎮星象在脾中再拜跪祝曰

太極九真流廣陰根飛一却蓋來入泥丸祝畢叩齒九通行之十四年中嶽君獻玉珮金璫白羽紫蓋太極真人命三玄洞天陽臺天國委羽靈州九疑太玄神丘赤霍三台使送金真玉光太極隱芝太極隱芝有四種或四方色光照百步之內如月其一種青色如聚

明鏡狀面徑五六寸許光照洞徹三重相累高六七寸耳名曰太極靈鏡隱天碧芝其一種白色如堅斗星有七節以星為節以蓋為網高且三四尺光明朗洞名曰太極玄節隱辰靈魂芝

其一種赤色如小棗樹其實如銀光明煥照高三四尺名曰錄網隱玄太極金天芝扣其樹枝實有玉音金聲其一種蒼色如偃蓋於地或重累相背周圍七八寸清光流燭高三四寸名曰太極玄月

偃龍芝

右太極隱芝名精誠求請三玄神明真人皆致以與子或出乎澤或生非所或生山丘或生宅宇有如此者皆真人以與於子也得而食之太微遣使拜為仙公分形萬變身生玉

光太上隱書步天綱飛六紀玉經皆後聖君上請以付方諸官青童君使下教骨命宿有仙名者自無仙籍玉書得道之子亦永自不相遭遇見此玉經也四極真人科聽七百年內得三出傳授皆盟書賤寶約不宣繼者以貴上靈經與眾書絕禁不相干雜也其受步七元行星之訣脫誓縲帛三十二足以合一五七之數也受行五星訣者脫誓金龍王魚以合二四六之數也此亦玄象曲直分度故誓必期之矣龍魚世無其物亦不得閉經而待難得之晚也請以青布三十尺以示准此誓示其始終明其誠尚也並以奉之於有經之師師又當施散勿營私累犯盟皆有官罪考非小事也真人重青信金每臨約誓皆引此以為明晚也其違科犯泄皆為罪罪延

祖父母受刑地獄誓約之物每令上最勿以告人天關三圖曰治根以精澄心准平統本以誠所向必生真人貴盟寶金重青以諧以祝指之為盟斯誓大矣勿犯勿輕諸誓傳皆各有數限其不傳而妄言經篇目者皆犯泄漏玉童玉女上言太上三犯泄漏死名復見不復得仙也傳授皆按盟又當以金青還師以勸功德

有太上玉經隱書皆威以別爰施行看視時皆燒香左右玉童玉女侍衛在側勿謂未見而無之也真靈從太無之鑿以察於纖介之心可不慎歟

世間自後有步綱躡紀之法漢成皇帝大司馬王鳳以陽朔元年中聞道士劉京從邯鄲張君學仙得步天綱法鳳於是逼求以威以貴京不獲已乃密撰此鈔畧以與之鳳謂為延年求富貴之要甚秘行其法傳之宗門故祝說多以富貴祿位為辭使用天倉天府離合之日也是鈔畧之出起於劉京矣漢末亦以此鈔示皇甫隆隆亦奉而行之也浮末之

說亦何得動天地感神真乎鳳弟子有王色者逮莽時封侯謂步綱之經乃更鑄金為簡刻而寫之告莽云天瑞也亦復何限非步綱之益乎但未見真文本訣便已為無量之益况得其根耶鈔法甚大行於世始於劉京流泄至今至於太上玉經飛紀大訣京寶而秘之莫知所授

洞真清太微帝君步天綱飛地紀金簡玉字上經